


雲南通志



雲南通志



雲南通志卷之第十七

封建

武王東征紂濮來會不聞列五等之封自莊躋王滇
後裔常羌受命漢室始賜王印嗣是蠻方君長納款
奉貢錫以冊命俾仍其舊王臣之出鎮者以功賜爵
用資彈壓亦隨時勢以施控馭之術也唐自開元以
後蒙氏併五詔破吐蕃朝廷倚以爲重凡所以褒崇
優異之者靡所不至然卒反覆無常數爲邊患迨元
世祖首定雲南增置郡邑始以同姓諸王董理其事
明代命沐氏世爲重鎮兩迤諸州郡以次改設流官

漸同腹地我

國家聲教遐敷滇南萬里如在几席革藩鎮之制大一
統之模曠古獨隆焉顧前此褒封錫爵之典有不容
泯者故備錄之以見古今馭遠之圖與沿革變通之
蹟云爾志封建

漢

滇王當羌

史記作常羌莊蹻之後世王滇傳至當羌武帝元狩元年遣王然于等指求身毒國至滇

滇王當羌留爲求道歲餘皆閉昆明莫能通滇王與漢使言漢孰與我大及夜郎侯亦然各自以一州王不知漢廣大使者還因盛言滇大國足事親附天子注意焉元鼎六年復遣王然于以粵破及誅南夷兵威風諭滇王入朝滇王有衆數萬人其旁東北勞漢靡莫皆同姓相仗未肯聽命元封二年發兵擊滅勞

深靡莫以兵臨滇王乃舉國降事詳師旅考於是
以爲益州郡賜王印復長其民附錄舊志滇王仁
果西海阿育國王後裔也元狩閒帝聞當羌有漢孰
與我大之語惡其不遜時仁果善撫其衆與當羌角
立乃封仁果爲滇王莊蹻之世遂絕三國時有鳳龍
佑那仁果十五世孫也諸葛亮定南中收用豪傑乃
封佑那爲建寧國王賜姓張氏傳至十七世孫張樂
進求唐武德閒遣使隨南寧州都督韋仁壽入朝詔
冊進求爲首領大將軍永徽四年讓國於蒙氏
細奴邏張氏始絕其事不載正史姑存以備考

鉤町王亡波

舊有侯未詳所始昭帝始元五年侯亡波
從軍正王平大鴻臚田廣明等擊姑繒葉

榆有功六年詔封成帝河平閒王禹與夜郎王興等
舉兵相攻太守陳立斬興禹震恐入粟千斛牛羊勞
吏士立遣還郡王莽篡位改漢制貶爲侯王邯怨恨
牂牁太守周欽詐殺邯邯弟承又攻殺欽州郡擊之
不能勝三邊怨擾盡
反其後不見於史傳

後漢

邛穀王任貴

後漢書作長貴邛人王莽時越巂大守枚根調爲軍候更始二年率種人攻殺根自

立爲邛穀王領大守事又降於公孫述建武十二年述敗歸漢仍受封十四年遣使上三年計卽授越巂

太守印綬十九年武威將軍劉尚擊益州夷路由越巂貴疑之聚兵起營臺招呼諸酋長多釀毒酒欲先

以勞軍因襲擊尚尚知其謀掩誅之徙其家屬於成都

哀牢君賢栗

其先有婦人名沙壹居於牢山嘗捕魚水中觸沉木若有感因懷妊十月產子男十

人後沉木化爲龍出水上沙壹忽聞龍語曰若爲我生子今悉何在九子見龍驚走獨小子不能去背龍

而坐龍因舐之其母鳥語謂背爲九謂坐爲隆因名子曰九隆及長大諸兄以九隆爲父所舐而黠遂共

推以爲王牢山下有一夫一婦復生十女子尤隆兄弟皆娶以爲妻後漸相滋長九隆死世世相繼乃分

置小王往往邑居散任谿谷絕域荒外山川阻濶生人以來未嘗交通中國建武二十三年其王賢栗遣

兵乘箬船南下江漢擊附塞夷鹿麋人弱爲所擒獲於是震雷疾雨南風飄起水爲逆流翻涌二百

餘里軍船沉沒哀午之眾溺死數千人賢栗復遣其
六王將萬人以攻鹿麋鹿麋王與戰盡殺之哀牢耆
老共埋六王夜虎復出其尸而食之餘眾驚怖引去
賢栗惶恐謂其耆老曰我曹人邊塞自古有之今攻
鹿麋輒被天誅中國其有聖帝乎二十七年遂率種
人詣越巂太守鄭鴻降求內屬帝封賢栗等為君長
自是歲來朝貢明帝永平十二年其王柳貌遣子率
種人內屬章帝建初元年王類牢殺守令反昆明夷
酋承與諸郡
兵共擊斬之

破虜傍邑侯酋承

邪龍縣昆明夷章帝建初二年率種人應募擊斬哀牢王類牢於博南賜

帛萬

匹封

揮國王雍由調

和帝永元九年重譯奉國珍寶入貢賜金印紫綬安帝永寧元年復遣使朝貢

獻藥及幻人能變化吐火自支解易牛羊頭又善跳丸數乃至千明年元會帝作樂於庭封為漢大都尉

賜印綬金銀綵繒各有差

白狼樓薄蠻夷王唐綰

和帝末元十二年率種人歸義內屬賜金印紫綬

奉通邑君令田

青衣道夷邑長安帝永初二年與徼外三種夷貢黃金旄牛毼舉土內屬帝增

其爵號

五代宋

邛都縣侯爨龍顏

南寧州人文帝永嘉間累官龍驤將軍鎮蠻校尉寧州刺史封

北魏

同樂郡侯爨雲

建寧郡人累官驃騎大將軍開府儀同三司南寧州刺史封年無考

唐

夜郎郡公謝龍羽

牂牁蠻首領有兵三萬高祖武德三年遣使者朝貢以其地為牂州拜龍

羽刺史封

臺登郡王盛邏皮

一作晟羅皮南詔蒙氏邏盛炎子武后朝盛炎入朝時已有子炎閣妻復

娠生盛邏皮喜曰我又子雖死唐地足矣後邏皮立元宗開元元年授特進封

雲南王皮邏閣

盛邏皮子元宗開元末賜名歸義破逐河蠻兼併五詔其勢窳強事詳見維紀

二十六年入朝天子為加禮又以破渾蠻功馳遣中入冊封賜錦袍鈿帶七事天寶五載遣其孫鳳迦異

入朝授鴻臚卿賜龜茲樂一部恩禮有加

雲南王閣邏鳳

歸義子天寶七載襲封詔以其子鳳迦異為陽瓜州刺史九載叛附吐蕃事詳

師旅考

南詔王異牟尋

鳳迦異子德宗貞元九年上表反正請復號南詔十年大破吐蕃獻捷京師事

詳師旅考帝遣使冊封賜銀窠金印文曰貞元冊南詔印隨遣清平官尹輔會等人謝獻鐸鞘浪劍鬱刀

等物自是比年入貢附錄南詔清平官尹仇寬貞元十年異牟尋大破吐蕃遣獻地圖方物帝賜賚有

加拜左散騎常侍封高溪郡侯

長川郡公苴嵩勿鄧大鬼主德宗貞元間通款詔兼邛部團練使封

順政郡王苴那時兩林都大鬼主貞元五年遣韋臯書乞兵攻吐蕃臯許之那時戰甚力大

破吐蕃於臺登北谷封事詳師旅考

懷化郡王苴夢衝苴嵩死子苴驃離幼以夢衝為大鬼主數為吐蕃侵獵貞元五年同苴那

時共破吐蕃封

和義郡王驃傍豐琶部落大鬼主少驃敢數出兵攻吐蕃貞元五年同苴那時等封

歸義郡王董嘉慶戎州管內馴騁浪三州大鬼主累世內附以忠謹稱封年無考

南詔王尋閣勸異牟尋子憲宗元和三年襲封改賜元和印章

南詔王勸龍晟尋閣勸子憲宗元和四年襲封十一年為弄棟節度使王嵯巔所弒

南詔王勸利

勸龍晟弟憲宗元和十一年詔使冊封穆宗長慶三年賜印

南詔王豐祐

勸利弟穆宗長慶三年詔使冊封隨遣洪成酋等入謝豐祐立後叛服不常至宣宗

時死子坦綽酋龍立憲朝廷不弔恤遂絕朝貢僭號建元為邊患者二十年前後事俱詳師旅考自此無

復冊封而國亦尋滅

宋

大理國王段和譽

其先有儉魏者威郡白人也佐蒙氏有功賜各國忠擢清平官六傳至思

平逐楊干貞而有其國十七傳至和譽徽宗政和六年遣使人貢七年冊為金紫光祿大夫檢校司空雲

南節度使上柱國封餘詳雜紀

元

雲南王忽哥赤

世祖第五子初至元元年襲蠻舍利畏倡亂遣將討平之事詳師旅考帝念非

親賢不能靖一方或以荒服難之帝曰朕固樂其風
土向非歷數在躬將於彼請分器焉四年遂封忽哥
赤為王金鑲銀印駝鈕出鎮雲南復置大理等處行
六部未幾改賜金印獸鈕五年受命與安南國王討
占城真臘八年為
元帥寶合丁所弑

宗王脫忽魯

世系無考至元十一年
封代忽哥赤鎮雲南

雲南王也先帖木兒

忽哥赤子從征在緬至元十七年
以張立道言遣忙古帶迎歸襲封

金印獸鈕二十二年詔事不議於王者毋輒行二十
五年移鎮大理成宗大德元年賜鈔三萬八千錠十

一年進

封營王

梁王甘刺麻

世祖孫至元二十七年封金印獸鈕出鎮
雲南二十九年改封晉王成宗大德六年

薨後以子泰定帝入
繼大統追尊為顯宗

梁王松山

甘刺麻子至元三十年封出鎮雲南金印獸
鈕三十一年成宗即位以雲南歲貢馬二千

五百匹給梁王數多命量減之大德九年詔梁王勿與雲南行省事賜鈔千錠十年賜復如之

梁王濶濶

封年及世系無考成宗大德五年左丞劉淡征八百媳婦為水西土官宋隆濟所圍濶濶

率兵救之賊眾少解事詳師旅考

雲南王老的

世祖第七子西平王奧魯赤之孫武宗至大二年梁王松山有瘋疾詔封老的鎖雲

南金印

獸鈕

梁王王禪

甘刺麻孫仁宗延祐七年英宗即位封雲南王金鑲銀印龜鈕英宗至治三年泰定帝入

立進封梁王金印獸鈕

雲南王帖木兒不花

禪子英宗至治三年泰定帝入立詔襲封金鑲銀印駝鈕

豫王阿忒思納失里

世系無考文宗天歷二年出鎮雲南舊志有諸王禿堅乃文宗至

順元年自立為雲南王非奉朝命故不載

梁王柏匝刺瓦爾密

一名李羅柏匝一作把匝以宗室鎮雲南世系無考元亡後仍阻險

自守明太祖屢遣使招諭不從洪武十四年潁川侯傅友德南伐梁王兵敗走滇池島中友德等入雲南梁王聞之謂其右丞曰我宗室無降理有死以報國耳先縊其妃自飲藥不死投滇池水中舉家從之俱焉死

明

周王橚

太祖第六子洪武二十二

汝南王梗

太祖第十九子洪武二十六年建邸雲南二十八年之國建文帝時廢為庶人成祖永樂

初復國與守臣交惡上賜書諭王召守臣戒之未幾又不法上怒罪其僚屬奪冊寶尋復與之仁宗洪熙

元年徙封武岡州

黔寧王沐英

鳳陽定遠人少孤太祖收而子之賜國姓年十八授帳前都尉以所部征閩擒陳友

定命復姓出鎮建寧隨副衛國公鄧愈西征闢地千
里洪武十年封西平侯十四年以征南右副將軍同
潁川侯傅友德征雲南出奇制勝所至戰捷事詳師
旅考雲南平畱英鎮守復破阿資以兵威定八百媳
婦緬外諸夷皆重譯來貢二十五年懿文太子薨英
哭之嘔血遂得疾卒年四十七計聞上慟悼輟朝命
以喪歸軍民蠻長攀號送者數萬賜葬江南之觀音
山追封黔寧王諡昭靖英爲人溫爽有資慨所至未
嘗濫殺在滇列衛戍簡官僚課農桑興學校一切屯
田水利力役貢賦咸經理有條平居好讀書親近儒
者既歿滇民請卽府城立
廟報可子五春晟昴昶所

西平侯沐春

英長子年少有才畧初授驃騎將軍後軍

練兵恤民克遵先志屢著威績平定諸蠻三十一年
佩前將軍印征平緬大破刁幹孟事詳師旅考尋卒
年僅二十六賜祭葬諡惠襄春貌不逾中人平日寬
衣緩帶如儒士及行師號令嚴明士卒用命動有成
功在滇七年民戶有加曠土
增闢其設施井井可觀焉

定遠王沐晟

英次子氣宇凝重寡言笑喜怒不形太祖甚愛之甫冠授後軍都督僉事進左都督

洪武三十一年嗣兄春爵鎮雲南永樂三年擊退八百大甸酋又連破安南酋獲其帥四年又大破安南夷黎湖於多邦城柵與新城侯張輔兵合五年於日南州奇羅海口擒安南酋父子官屬并籍其郡縣獻於朝進封黔國公上嘉其勞親為詩褒美之十七年擊降富州叛酋沈絃經正統元年平四川會川黎溪賊矣的等二年復平馬龍他郎甸酋刀甕四年征麓川土逆思任無功而還至楚雄道卒年七十二賜葬賻追封王諡忠敬晟在鎮四十餘年修文講武安輯漢夷重科舉招遺逸奉職勤慎區畫盡善綽有父風焉

定邊伯沐昂

英三子年十九授散騎舍人洪武三十五年陞府軍左衛指揮僉事永樂初使雲南

遂雷輔鎮邊務機密晟輒遣昂報悉稱旨四年計擒師宗元江諸蠻陞右軍都督同知正統初從晟討平矣的刀甕諸酋四年復從晟征麓川歲餘互有勝負事詳師旅考六年與定遠伯蔣貴兵部尚書二員會

兵進討至騰衝昂分兵由干崖南甸進擣其巢穴
馘無算進左都督卒年六十七贈定邊伯諡武襄昂
孝友和易御人一一以誠信不以利害為取舍凡舉動
皆合人情卒之日滇人為之罷市子禧字可恬有詩
名授錦衣衛副千戶
早卒著有敬軒集

黔國公沐斌

晟長子事母盡孝正統五年襲封繼武襄
鎮守適麓川多事巡撫楊寧有才畧斌以

鎮靜濟之及從征孟養多所斬獲皆讓功於王驥人
服其德量景泰元年卒年五十四贈太傅諡榮康

黔國公沐琮

斌子成化元年襲封佩征南將軍印鎮守
三年捕獲尋甸廣西二叛酋改土設流又

次第討平馬龍麗江劍川順寧羅雄及臨安之昌明
缺箐赤石崖等蠻以功晉太子太傅弘治九年卒年

四十七

諡武僖

黔國公沐崑

琮從姪誠子琮無嗣立之朝議謂崑為西
平裔孫當從侯爵守臣爭之謂南人知有

黔國公不知有侯也侯之恐為所輕弘治九年遂襲
公爵時年十四隨佩征南將軍印發兵平龜山竹箐